

ივ. ჯავახიშვილის სახ. ისტორიისა და ეთნოლოგიის ინსტიტუტი
საქართველოს მეცნიერებათა აკადემია

ერთი მივიწყებული სიმბოლოს ქრისტიანული ინტერპრეტაციისათვის

(კურდღელი, როგორც იეროფანია)

კურდღლის სიმბოლიკა, რომელსაც მას რელიგიური დატვირთვა აძლევს, არც თუ ისე გამჭვირვალეა, რამდენადაც მასში უამრავი თემა და მოტივი ერთიანდება და იყრის თავს. შესაბამისად, კურდღლის, როგორც სიმბოლოს, მნიშვნელობათა სიმრავლე განპირობებულია იმ რელიგიური სისტემებით, რომელშიც ის შედის. ამიტომ, რომ კურდღელი მითოპოეტური ცნობიერებისათვის ხან სიმფროთხალის, გაუბედაობის, მორცხეობის სიმბოლოა, ხან კი პირიქით, გამბედაობისა და გამარჯვების სიმბოლო (შდრ. ტიბეტურ პოროსკოპში კურდღლის ანუ გამარჯვების თვე წლის გარდატეხის თვეა, როდესაც ვარსკვლავი გიალის (ევროპულ ტრადიციაში – ანთარესის) ამოსვლა იწყება).

განსაკუთრებულ მიმართებას ქმნის კომპლექსი: „კურდღელი – ქალი – ნაყოფიერება – მთვარე“.

მთელ რიგ აღმოსავლურ ტრადიციაში კურდღელი, როგორც გაუბედავი ცხოველი, ქალურობასთან ასოცირდება, რომელშიც რწმენების მიხედვით, ქალწულის სამშენიველი სახლდება.

ხაკასების (აბაკანელი და მინუსინელი თათრების) რწმენა-წარმოდგენებში მოხუცი შინაბერების სამშენიველები კურდღლებად იქცევიან.

ახლად მოყვანილი პატარძლები კურდღელთან უმძრახობის წესებს იცავენ და ქარაგმულად მიმართავენ მას.¹

ქალთან და ქალურობასთან დაკავშირებული კურდღელი, ხშირად ნაყოფიერებასთან, ტრფიალთან და ვიტალურობასთან ასოცირდება. ამის თვალსაწიერო ილუსტრაციაა ძველ საბერძნეთში სიყვარულის ქალღვთაება აფროდიტე, რომლის ატრიბუტსაც კურდღელი წარმოადგენს.

გერმანულ ტრადიციაში აღდგომის გერმანული სახელწოდება Ostern, ზოგიერთი განმარტების მიხედვით, ქალღვთაება ეოსტრას/ოსტარას სახელს უკავშირდება. თავის მხრივ, ეს სახელი სირიელი ასტარტას გერმანულ ნაირსახეობად ითვლება. ორივე ქალღვთაების, როგორც კვერცხისმდებელი კურდღლის მფლობელი ეოსტრას, ისე ასტარტას ატრიბუტებს კურდღელი და კვერცხები წარმოადგენს.²

უარყოფითად გაერცმებული რწმენა-წარმოდგენების მიხედვით, კურდღელი ფაქტობრივად მთვარეა. მაგ., ჩინური მითოლოგიური გადმოცემების მიხედვით, იგი მთვარეზე ცხოვრობს და ვერცხლის როდინში უკვდავების ფხენილს ნაყავს.³

ინდურ ტრადიციაში მითიური კურდღელი და მთვარე მუდამ ერთმანეთთან არიან იდენტიფიცირებული (საინტერესოა, რომ სანსკრიტულში სიტყვა चाँद (ჩან) ნიშნავს მოხტუნავეს, კურდღელს, ლაქებს მთვარეზე, რომელიც კურდღლის გამო-სახულებას გულისხმობს).

Pancatantram-ის მესამე წიგნის პირველ ისტორიაში კურდღლები ცხოვრობენ მთვარის ტბის ნაპირას. მათი მეფის (გარდაცვლილთა მეფის, სიკვდილის ღვთაების) – Vigayadattas – სასახლეს ღუნარული დისკო წარმოადგენს. როდესაც კურდღელი კურდღელთა დამხოცველ სპილოთა მეფეს ელაპარაკება, იგი მთვარის სახელით ლაპარაკობს. რამდენადაც ეს ისტორია, კურდღლის, როგორც სიმბოლოს ერთ-ერთ ასპექტს ხსნის, მასზე უფრო დაწვრილებით შევნიშნებით. როგორც ზემოთ ხსენებული ისტორიიდან ვგებულობთ, კურდღელი არწმუნებს სპილოს, რომ მთვარე სპილოებზე არის განრისხებული, რადგან მათ ფეხით გასრისხეს კურდღლები. მაშინ სპილო ითხოვს მთვარესთან შეხვედრას. კურდღელი გაუძღვება მას მთვარის ტბისაკენ, სადაც იგი წყალში აწვენებს მთვარეს. სპილო, რომელსაც სურს მთვარესთან მიახლოება და პატიუბის თხოვნა, ხორთუმს დაარტყამს წყალს. წყალი აღელდება, მთვარის გამოსახულება აირევა და ათასჯერ გამრავლდება. კურდღელი არწმუნებს სპილოს, რომ მთვარე კიდევ უფრო განრისხდა, რადგან მან წყლის სიმშვიდე დაარღვია. სპილოთა მეფე ბოდიშს იხდის და თავის ქვეშევრდომებთან ერთად განშორდება ამ ადგილებს...⁴

ინდური (და არა მარტო ინდური) რწმენა-წარმოდგენებით, მთვარე მართავს ღამეს (და ზამთარს), მზე – დღეს (და ზაფხულს). მთვარე (კი-ვია, მზე – ცხელი. საღამო ხანს სოღარული სპილო, ღომი, ან ხარი მიდიან ნოქტიურული მთვარის წყალთან, ტბასთან; კურდღელი აფროთი-ლებს სპილოს, რომ იმ შემთხვევაში თუ ის არ

წავა და განაგრძობს კურდღლების მოსრვას ტბის სანაპიროზე, მოვარე აკრიფავს თავის გრილ სხივებს და მაშინ სპილდები დაიხოცებიან წყურვილისა და აუტანელი სიცხისაგან.

Pancatantram-ის მეორე ისტორიაში მახვილი კურდღლის საზრიანობაზე კეთდება და მასში მოთხრობილია, თუ როგორ გადააგდებინებს თავს წყალში ან ჭაში კურდღელი მშვიერ ღოღს, რომელიც მის შეჭმას ღამობდა (მრავალი ამგვარი მაგალითის მოტანა შეიძლება სხვა ცხოველებზეც რიგგედადან და არა მარტო რიგგედადან). კურდღელი აქ თავს იჩენს, როგორც ღოღის საყოველთაო მტერი (შდრ. Ramay. XXIII)

ერთ ბუდისტურ ლეგენდაში ინდრა კურდღელს მთვარედ აქცევს, რადგან მან ადვილად დასთმო თავისი ხორცი შესაჭმელად, როდესაც მასთან პილიგრიმად გადაცმული ინდრა მივიდა პურის სათხოვნელად. კურდღელმა, რომელსაც მისთვის შესათავაზებელი არაფერი გააჩნდა, ცეცხლს მისცა თავი, ინდრას შიმშილის დასაკმაყოფილებლად⁵.

კურდღელი ამ შემთხვევაში ნებაყოფლობითი მსხვერპლის სიმბოლოს განასახიერებს. ხალხური დაკვირვებების მიხედვით, რეალურ ცხოველებში კურდღელი ხანძრის დროს არაადექვატურად იქცევა: იმის მაგივრად რომ გაიქცეს, იგი ბუნებში იმალება მანამდე, სანამ ხანძრის ალი არ მოეხვევა ყოველი მხრიდან. ამის შემდეგ კი გაქცევა უკვე გვიანაა და იგი ცეცხლის ალში იწვის. კურდღლის ამგვარ საქციელს ნებაყოფლობითი მსხვერპლის მის ტრადიციულ როლს უკავშირებენ⁶.

ხალხურ ცნობიერებაში კურდღელი, ხშირად კატასთან ასოცირდება (შდრ. კატის ან კურდღლის წელი ცხოველთა ხატებებით კოდირებული 12 წლიან ციკლს აღმოსავლურ კოროსკოპში).

უკრაინულ ტრადიციაში კურდღელი ეშმაკის ქმნილებად ითვლებოდა (ალბათ მისი დაცქვეტილი ყურების რქებთან მიმსგავსების გამო), რომელიც მას “მეწინაყედ” იმსახურებდა. რწმენის მიხედვით, თუკი იგი ვინმეს გადაურბენს, იმას უბედურება დაატყდება თავს. კატაზე გადატანილი ეს რწმენა დღემდეა შემორჩენილი⁷.

ზოგი ხალხის მითოლოგიაში იგი ტრიქსტურია, კულტურული გამირია (ან უფრო ზუსტად, მის ერთ-ერთ ტერიომორფულ ფორმას წარმოადგენს – ნ.ა.). ამ ასპექტში იგი ხასიათდება, როგორც სწრაფი, ღადი, თამამი, მოხერხებული ხუმარა, რომელიც თავისზე დიდ არსებას ატყუებს⁸.

ყველა ზემოთ ჩამოთვლილი თვისება და მასთან დაკავშირებული თემა (განსაკუთრებით კი მისი წილხვედრობა მთვარესთან) მას კოსმიურ წრებრუნვასთან აკავშირებს და მისი კოსმოლოგიური სიმბოლიზმი უდავო ხდება. იგი თავის



1. კობკური მოხატული თევში. VII ს.

თავში აერთიანებს ცხოვრების, ნაყოფიერების, ქალების და ა.შ. ეპიფანიებს.

კურდღელი, როგორც სიმბოლო, თავის თავში კიდევ ერთ საიდუმლოებასა და პარადოქსს შეიცავს, კერძოდ, ძველი ავტორები მას ორსქესიანობას მიაწერენ. მაგ., ბიზანტიურ კრებულში, რომელიც კასიანე ბასის (VI ს) კალამს ეკუთვნის შემდეგნაირი ამონაწერია კურდღლებზე: „ამბობენ, რომ ერთი და იგივე კურდღელი ზოგჯერ მამრია და ზოგჯერ კი თავის ბუნებას იცვლის და მდედრი ხდება; და რომ იგი ანაყოფიერებს როგორც მამრი და შობს როგორც მდედრი (Геопоника XIX.4). მსჯელობა კურდღლების არანეულებრივ სექსუალურ აქტივობაზე, ისევე როგორც მათ ორსქესიანობაზე ანტიკურ ტრადიციაშიც გვხვდება. აი, რას წერდა ტიმოთე გაზელი: „კურდღელი – მდედრი. მოგების დროს მას საშოში მეორე ნანასახი კეავს, ხელახლა მაკდება და, უფრო მეტიც, განაგრძობს შეწყვილებას. კურდღელი რიგ-რიგობით ხან მდედრობით, ხან მამრობით სქესს იღებს (ტიმოთე გაზელი 18. 1-3). (შდრ. პეროდოტეს ცნობას, III. 108 და არისტოტელეს „ცხოველთა ისტორიას“, VI, 33. 181).⁹

როგორც ა. იურენკო აღნიშნავს¹⁰, ადრექრისტიანული ხანის ზოგიერთი ავტორის თხზულებაში კურდღლის ეს თვისება უარყოფით მორალურ შეფასებას იღებს. მაგ., კლიმენტი ალექსანდრიელი (Paedagogus, II-X) კურდღელზე, როგორც ბიწიერების სიმბოლოზე წერს.

ეროტიკულ საშუალებათა სიუხვე, ორივე სქესის აქტიურად ფლობა, სიმბოლური ერთიანობა უშუალოდ უკავშირდება კულტურული ანთროპოლოგიის უძველეს თემას – coincidentia oppositorum-სა და მთლიანობის საიდუმლოს; იგი მისი კოსმოგონიური სიმბოლოს ასპექტის მანევრებელია.



2. ოშკის რელიეფი კურდღლების გამოსახულებით. X ს.

ზოგადად სიმბოლოებში სხვადასხვა დონის ეპიფანიების ამგვარი გაერთიანება, როგორც ეს მ. ელიადემ შეისწავლა, არ ნიშნავს აღრევას, შერევას ან უწყხრილობას. სიმბოლიკა უშვებს გადასვლას, წრებრუნვას სხვადასხვა დონეზე. იგი ამ დონეებისა და სფეროების ინტეგრაციას აღდენს და არა ერთმანეთში აღრევას¹¹. ქართულ ტრადიციაში იგი, როგორც ზომორფული (დეკორატიული) მოტივი V საუკუნიდან მოყოლებული XI საუკუნის ნათელით გვხვდება ქრისტიანულ ხუროთმოძღვრულ ძეგლებზე (ბოლნისის სიონი, ატენის სიონი, ოშკი, ზეგანი, იშხანი, გომარეთი)¹² ასევე, მინიატურებსა და ტორვეტიკაში¹³. აღსანიშნავია, რომ აღრინდელ ეკლესიებში კურდღელი ეკლესიის შიდა სივრცის მორთულობაში ფიგურირებს, ხოლო მოგვიანებით ის ტაძრების ექსტერიერზე ინაცვლებს (ილ. 2, 3).


როგორც ვ. ჯობაძე აღნიშნავს, ოშკის წმ. იოანე ნათლისმცემლის სახელობის ტაძრის ფა-

სადზე გამოსახული ერთმანეთის მიმართ მოხტუნავე კურდღლების შესახებ, ამ სიმბოლოში გარკვეული გზავნილი უნდა ყოფილიყო, შესაძლოა, კოსმიური ბუნებისა, რომელიც დღეისათვის უცნობია¹⁴. იგივე ითქმის კურდღლის სხვა გამოსახულებებზე. ამ სიმბოლოს მნიშვნელობის ამოსაცნობად, შესაძლოა, კოპტური მასალა გამოგვადგეს.

კურდღლის მოტივი, წინაისლამურ (და, ასევე, ისლამურ) ეგვიპტეში მრავალნაირი ფორმით გვხვდება და საკმაოდ გავრცელებული ჩანს (კურდღელი ფოთლით ან ყვავილით პირში, კურდღელი და ყურძნის მტევანი და სხვ.).

ჩვენთვის საინტერესო ზომორფულ მოტივს ეპოქაობით VII საუკუნის I ნახევრის აღრექრისტიანულ წითელი თიხის კოპტურ მოხატულ თევზზე (ბერლინი, სკულპტურების გალერეა, 6637, დიამეტრი: 48,5 სმ.) (ილ. 1).

წრიული ფორმის ამ დიდი თევზის ვარაყი უბრალოდაა შემკული რადიალური სხივებით. თევზის ფსკერის შუაგულში გამოსახულია ლოტოსის ყვავილი ხვიარა მცენარეებით, კურდღელი, ყურძნის მტევანი, თევზი და მარგალიტის ასხმები. აღნიშნული ღანგარი ზოგიერთ მეცნიერში¹⁵ სპონტანურად იწვევს ძველევგვიპტური ფაიანსის სასმისი ფიალების ასოციაციას, რომლებიც მნიშვნელობის მატარებელი წყალმცენარეებითა და თევზებითაა დეკორირებული. თუ რა სიმბოლური ინტერპრეტაცია ეძლეოდათ ამ დეკორატიულ ელემენტებს დროთა მონაცვლეობაში, უცნობია. ითვლება, რომ სულ სხვაგვარად იყო საქმე სიმბოლოების მოყვარულ კოპტებთან. თევზზე გამოხატული სიმბოლოების მნიშვნელობა ე. ბრუნერ-თრაუთისა და კ. ბრუნერის აზრით, შემდეგნაირია: პერადიკურად სტილიზებული ლოტოსი აღდგომაა, თევზი – ქრისტე, და ასევე, ევქარისტია (თევზის გამრავლება და საკვები საიდუმლო სერობაზე). მათივე აღნიშვნით, კურდღელი კოპტებთან აღდგომის სიმბოლოა (და ამ აზრით, როგორც ეს ზემოთაც აღინიშნა, ის აგრძელებს ცხოვრებას გერმანულ სააღდგომო კურდღლებში; იგი, ასევე, დვთისმოსავი ქრისტიანის სიმბოლოცაა (Physiologus, Kapitel 51), ყურძნის მტევანი – ქრისტესი და ასევე, ქრისტიანთა სიმბოლოსი. ღანგარზე გამოსახული ხვიარა ზემოთ დასახელებულ ძველევგვართათვის ტიპურ წყალმცენარეს წარმოადგენს, რომლის თავდაპირველი შინაარსი და მნიშვნელობა უცნობია. მათივე აზრით, ასევე რთულია მარგალიტების ასხმის ასხნაც, რომლითაც ცხოველები დაბმული ან გაკოჭილი არიან (აქაც ქრისტიანულ კონოტაციასთან უნდა გვქონდეს საქმე – ნ. ა.). ისინი უფრო ადრე ძველევგვიპტური Leichkraut-დან (სარეველა მცენარე) უნდა განვითარებულიყვნენ, რომლის მნიშვნელობა, შესაძლოა, კოპტებმა შეც-



3. ოშკის რელიეფური გამოსახულებები. სქემა. X ს.

ვალეს. ანალოგიური ღანგრების განხილვა ზემოთ ხსენებულ მკვლევართათვის უეჭველს ხდის, რომ საქმე ეხება ვეგეტაბილურ ნაწილებს, რამდენადაც მათ ერთ ბოლოზე ფოთოლი ან კვირტი აქვთ. შესაბამისად, ამ მარგალიტებს ისინი ვერ უკავშირებენ იმ მიზეზს, რომელიც სხვა შემთხვევაში ფარშევანგს უპყრია ნისკარტით. ხოლო ის ფაქტი, რომ კურდღელი პირში იღებს ყურძნის მტევანს, ხოლო თევზი – ასხმას, ძველგვიპტური ნიმუშებიდან აღებულია და მიანიშნავს, რომლებზედაც, როგორც წესი, თევზები გამოიხატებოდნენ ბადახით პირში. ივარაუდება, რომ აღნიშნული ძეგრფასი ღანგარი ევქარისტოულ მსახურებაში გამოიყენებოდა¹⁶.

აღნიშნული იკონოგრაფიული შეხამებები შემთხვევითი არ არის და გარკვეული რელიგიური დატვირთვის მატარებელია. მაინც რას უნდა ნიშნავდეს ამგვარი კომპლექსები?

თავისთავად, ძველგვიპტური და ადრექრისტიანული ნიმუშების ერთმანეთთან შედარება მათი რელიგიური მნიშვნელობის დასადგენად დიდად ვერ გამოდგება, რადგან ისინი განსხვავებულ გზაწილებს წარმოადგენენ. ამასთანავე ეს თვალსაჩინო ილუსტრაციაა იმისა, თუ როგორ ხდება ძველ ფორმაში ახალი შინაარსის „ჩადება“, ან როგორ ხდება მორალური სწავლების სფეროში გადაადგილება. კურდღელი პირში ყურძნის მტევანით, როგორც აღინიშნა, მართლმორწმუნის სიმბოლოა და თავისთავად მიგვანიშნებს ფაქტზე, რომ იგი გემოს უსინჯავს მას. გემოს გასინჯვა კი სიმბოლურ ენაზე დაკავშირებულია გარკვევასთან, მორალურ ღირებულებათა განსხვავების შეცნობასთან. ბიბლიური მნიშვნელობით¹⁷ გემო სიბრძნის სხვადასხვა ფორმას გულისხმობს, რომელთაგან უმაღლესია კეთილისა და ბოროტის შეცნობა, არა მარტო მორალურ არამედ რელიგიური განცდის დონეზე, რომელიც თავლითი ტკბილი გემოსია (შდრ. ეზეკ. 33). იგი სიბრძნის გაგებას, მასთან ზიარებას გულისხმობს, რომლის უმაღლეს ფორმასაც სიკეთისა და ბოროტების გარკვევა და მასთან ზიარება წარმოადგენს. ახალ აღთქმაში ქრისტიანის ცხოვრება გაერთიანებაა აღმდგარ ქრისტესთან, ხოლო მონათვლა ხსნის ციურ მადლთან შეერთების ტკბილ განცდას გულისხმობს.

ამრიგად, კომპლექსი „კურდღელი ყურძნით პირში“ (ან „კურდღელი ტკვირავს ყურძენს“ (ილ. 4)) აღნიშნულ კონტექსტში სრულიად კონკრეტული მნიშვნელობის მატარებელია. იგი მართლმორწმუნის სიმბოლოა, რომელიც გაერთიანებულია, შეერთებულია აღმდგარ ქრისტესთან და უზიარება უმაღლეს სიბრძნეს.

რაც შეეხება ზემოთ ხსენებულ ხეიარა მცურავს, ნვენი აზრით, სიმბოლოს ლოგიკიდან გა-



4. „კურდღელი ტკვირავს ყურძნის მტევანს“. კოპტური ქსოვილი. VII ს.

მომდინარე, თავისი ეველგან შედწევალი და ცვლადი ძალით შეიძლება საფუარს შევადართო, რომელიც მისი თვისებების გამო, იგავში დარდება (კათა სასუფეველს, „რომელიც აიღო ღუდაკაცმა და მოხილა მით სამი საწყაო ფქვილი, ვიდრე მთელი ცოში არ აფუვდა“. (მათ. 13 : 33, ლუკა, 13 : 20 და შმდ.). ხოლო ზემოთ ხსენებული მარგალიტების ასხმა, (რომლის ასეთი ინტერპრეტაცია ნვენ უფრო მართებულად მიგვანიშნა, თუკი გავითვალისწინებთ კონტექსტს, რომელშიც ის გვხვდება), ისევე როგორც თევზი, (კათა სასუფეველთან დაკავშირებული სიმბოლოა (იხ. მათ. 13: 31- 49). გარდა ამისა, მარგალიტების თითოეული აცმა შედგება 12 მიძისაგან, რაც თავის მხრივ მომავალი იერუსალიმის 12 ფუძის ქვას შეიძლება დაუკავშირდეს (ახალი იერუსალიმის „12 ბჭე – 12 მარგალიტი, თითოეული ბჭე თითო მარგალიტისა“. გამოცხ. 21:21), რაც, თავის მხრივ, იგიველება სამყაროს არსთან, რომელიც, როგორც ითვლება, აღდგომის სხეულის ნანასახობრივი ძალებიდან აღსდგება.

ამგვარად, ლოტოსი (თავდაპირველად ნათლის ყვავილი „Fleur-de-Lis“, იგივე სიცოცხლის მცენარე, სამყაროს სიმბოლო და სხვ.)¹⁸, ხეიარა მცენარე (სარეველა), კურდღელი, თევზი ერთმანეთთან მარგალიტების ასხმით დაკავშირებული, გამოსახულნი რიტუალურ თევზზე, რომელიც ევქარისტოულ დღესასწაულებში გამოიყენებოდა, მიგვანიშნებენ სამყაროს ცენტრზე, კათა სასუფეველზე, სადაც სიცოცხლისა და უკვდავების წყაროა. მისი ეს კონკრეტული მნიშვნელობა წყაროს დაწავებული ირმის სიმბოლიკის ასო-

ციაციას იწვევს, რომელიც კარგადაა ცნობილი ქრისტიანული იკონოგრაფიიდან.

საგანგებოდ აღსანიშნავია, რომ კურდღელთან დევნის მოტივი არის დაკავშირებული. ამგვარი მოტივი ასახულია როგორც წინარქრისტიანულ, ასევე ქრისტიანული ხანის რწმენა-წარმოდგენებსა და სხვადასხვა გამოსახულებებში (მათ შორის ბოლნისის სიონის რელიეფებზეც). მაგ.: კურდღელს ხშირად ძლიერი ცხოველი – დათვი, ლომი, სპილო და სხვა მხეცები მოსდევს (შდრ. ზემოთ მოტანილ ინდურ გადმოცემას). ამ კონტექსტში აღნიშნული ძლიერი ცხოველების წამყვან სიმბოლიკას მათი სოლარულობა წარმოადგენს, ხოლო კურდღლისას – ლუნარულობა. შესაბამისად, აქ დევნა დროის სრბოლას (რიურაჟისა და ბინდის, დღისა და ღამის, წელიწადთა ცვლას და სხვ.) უნდა უკავშირდებოდეს. კურდღლის აღნიშნული სიმბოლიკა ლიტერატურაშიც აისახა. ამისათვის საკმარისია გავიხსენოთ ლუის კეროლის „ელისი საოცრებათა ქვეყანაში“¹⁹, საიდუმლოებით მოცული და გამოცანა-ქვეყნის სიმბოლოები – მარტის კურდღელი და შმაგი მექედე დროსთან (ჯადოქრის სახით) წახუბებულნი და სადილის შემდგომ ჩაის სმის ერთსა და იმავე დროში არიან ჩატყდილები. მათმა საათებმა შეწყვიტეს დროის ათვლა. ისინი სამუდამოდ სხედან ბაღში გაშლილ სუფრასთან და მათ მხოლოდ მასზე გადაადგილება შეუძლიათ (საათის ისრებივით?). ამავე ნაწარმოებში თეთრი კურდღელი დიდი ჯიბის საათით სხვა სამყაროში, სხვა დროში მოგზაურობის სიმბოლო გამხდარა.

მაგრამ დავებრუნდეთ კურდღელს, როგორც მართლმორწმუნის სიმბოლოს, რომელთანაც დევნის საიდუმლოა დაკავშირებული. დევნა ქრისტიანულ სიმბოლიკაში წარმოადგენს ქრისტესა და მის მიმდევართა საბოლოო გამარჯვების ნიშანსა და პირობას. ამ თვალსაზრისით, მას ესქატოლოგიური მნიშვნელობა ენიჭება, რომელიც თითქოს სამსჯავროს მომასწავლებელია (1. პეტრ. 4.7, შმდ. გამოცხ. 7. 13-17).

ზემოთქმულიდან გამომდინარე, აღნიშნული სიმბოლიკა ის „ენაა“, რომელიც ზოგადად გასაგები უნდა ყოფილიყო ქრისტიანთათვის და გაუგებარი უცხოთათვის. აქ სიმბოლოები თვითონაა იეროფანიები, რომელიც ხსნის ისეთ საკრალურ ანუ კოსმოლოგიურ რეალობას, რომელიც სხვაგვარად ვერ იქნებოდა გამოვლენილი.

ამდენად, კურდღლის სიმბოლიკა კურდღლის მახასიათებელთა აზრობრივი განზოგადებებისა და თავისებურებების საფუძველზეა წარმოქმნილი. იგი “ხმარებაში” შემოდის საკუთარი არსისა და ნიშან-თვისებების გამო. ასეთი ნიშან-თვისებებია სიფხიზლე და მღვიძარება. აქედან გამომდინარე, მისი სიმბოლიკა არა ემპირიული,

არამედ თეორიული წარმომავლობისა ჩანს.

რაც შეეხება ქართულ ტრადიციას, მას კურდღელთან დაკავშირებული რაიმე განსაკუთრებული რწმენა-წარმოდგენა არ შემოუნახავს. მხოლოდ მისი აღწერითი ხასიათის სახელწოდება²⁰ კურდღელი – ყურდღელი – ყურგძელი – ყურცქვიტა იმის მიმანიშნებელია, რომ ქართველები მისი სიცქვიტის, სიმარდის, სიფხიზლის თვისებებზე აკეთებდნენ მახვილს და მის სახელში ზემოთ აღნიშნული თვისებები იქნა რეზიუმირებული. კურდღლის ქრისტიანულ სიმბოლიკაში კი სწორედ მისი ეს თვისებაა წამყვანი, რამდენადაც მიიწერება ქრისტიანული გაგებით სიკვდილის მდგომარეობა, რომელთანაც ადამიანი ცოდვას მიჰყავს; გაღვიძება ნიშნავს მოქცევას და სიცოცხლეში დაბრუნებას. ახალ აღთქმაში მღვიძარება მზადყოფნაა ღვთის მეორედ მოსვლისათვის; მორწმუნე უნდა „იფხიზლოს, ვინაიდან (მან) არც დღე იცის და არც საათი, როდის მოვა ძე კაცისა“ (მათ. 25: 13). მორწმუნე აღარ არის ღამის შვილი, მას უკვე „აღარ სძინავს“ (1 ეფ. 5, 6...), რადგან იგი აღარ არის ცოდვილი²¹. საინტერესო და აღსანიშნავია, ასევე, ლიტერატურული ალუზია ლ. კეროლის ზემოთ ხსენებული ნაწარმოებიდან, რომელშიც მარტის კურდღელი (ირაციონალურობის სიმბოლო ადამიანში) მექედესთან ერთად (რაციონალურობის სიმბოლო) თავს აყოფინებს მიიწარას (ანუ ადამიანის ცნობიერებას) „ცხელი ჩაის ჩაიდანში“ და ცდილობს ხელოვნურად გაუმკლავდეს ადამიანის მარადიულ წინააღმდეგობას სიფხიზლისადმი და ცოტა ხნით მაინც გააღვიძოს ადამიანის სუელი²².

ამგვარად, ზემოთქმული მოკლედ შემდეგნაირად ჯამდება: კურდღლის ნახევრადმივიწყებულ სიმბოლოში მრავალნაირი თემა და მოტივი არის ამალგამირებული. ანტიკური ავტორების ცნობებიდან გამომდინარე, მასთან დაკავშირებულია კელტურული ანთროპოლოგიის არქაული თემა – ანდროგინი, რომელიც მას კოსმოგონიურ სიმბოლოდ წარმოაჩენს.

აღნიშნული სიმბოლო წინაქრისტიანულ ხანაში ლუნარულ ხასიათს ინარჩუნებდა და მას მრავალი მნიშვნელობა აქონდა, რომელთა შორის უმნიშვნელოვანესი იყო ნაყოფიერება. აღნიშნულ სიმბოლოში კოსმიური სიცოცხლის რამდენიმე დონე ერგება ერთმანეთს (კურდღელი – მთვარე – ქალი და ა.შ.), რაც თავის მხრივ, სიცოცხლის პერიოდულ განახლებას და, შესაბამისად, დროის წრებრუნვას გულისხმობს (შდრ. დროში ჩატყდილი საათის ისრების მეტაფორას).

ადრექრისტიანულ რწმენა-წარმოდგენებში მისი სიმბოლიკა რადიკალურად იცვლება. ამჯერად იგი მიგვანიშნებს ახალ დროსა და ახალ ღირებულებებზე. მისი მთავარი და განმსაზ-

ღვრელი ნიშანი მღვიძარება ხდება. აქვე შეგვიძლია გავიხსენოთ, რომ კურდღელს ღია თვალებით სძინავს. აქ კურდღელი, ისევე როგორც სხვა შემთხვევაში ღომი (შდრ. ფიზიოლოგში ნათქვამს, „როდესაც ღომს ძინავს, თვალნი მისნი ფხიზლობენ...“),²³ უშუალოდ უკავშირდება „ფხიზელ თვალს“ ანუ ქრისტე მაცხოვარს.

კურდღლისა და ღომის ამგვარი იდენტიფიკაცია, ჩვენი აზრით, გასაღებს უნდა იძლეოდეს ეგვიპტური ქალღვთაების უნუთის, ერთი შეხედვით, უცნაური და გაუგებარი გამოსახულების ახსნისათვის. უნუთი, XV ნომის მთავარი ღვთაება, რომლის ეპითეტს „ქალბატონი“ წარმოადგენდა, ნომის შტანდარტზე გამოსახებოდა კურდღლის სახით. იგი ძალიან ადრე გაიგივდა ღვთაება თოთთან, რის გამოც ნაკლებად ხსენებული ღვთაება გახდა. ამის შემდეგ თანდათან ხდება მისი ნაკეთების ძუ ღომთან მიმსგავსება და მას გამოსახავდნენ ძუ ღომის თავითა და კურდღლის ყურებით. ღომის იკონოგრაფიის გამო, ხდება მისი დაკავშირება სხვადასხვა ღომ-ღვთაებასთან და აქედან გამომდინარე ურუეს-გველთან (მასალა უნუთზე მოგვაწოდა ეგვიპტოლოგმა მ. ხვედელიძემ)²⁴. ზემოთ თქმულის შექმნა, კურდღლის ძუ ღომთან და ურუეს

გველთან, (რომელიც თვითონ თვალია, ღვთაების მფარველი) დაკავშირება სრულიად ლოგიკური და გასაგებია ჩვენთვის, რამდენადაც მათ ერთი ნიშან-სიმბოლო – თვალი და მისგან გამომდინარე თვისებები აერთიანებთ.

ამრიგად, როგორც დავინახეთ, სიმბოლო და, ამ კონკრეტულ შემთხვევაში კურდღლის სიმბოლო, კონტექსტის შესაბამისად ერთ კულტურულ (ჩვენს შემთხვევაში ქრისტიანულ) სივრცეშიც იცვლის მნიშვნელობას. იგი ხან „ფხიზელ თვალს“ და შესაბამისად ქრისტე მაცხოვარს უკავშირდება, ხან ზიარების იდეის გამომხატველია (შდრ. კომპლექსი „კურდღელი ტკვირავს ყურძნის მტევანს“ კომპლექსს – „ირემი ეწაფება წყაროს“. შდრ ატენის სიონი, რავენა, etc.), ხანაც – აღდგომისა. აქვე შემოდის ნებაყოფლობითი მსხვერპლის მოტივი და სხვ. აღნიშნული არაუბრალო ზოომორფული სიმბოლო, რომელიც გარკვეული ინტენსივობითა და მნიშვნელობათა სიმრავლით გვხვდება ქართულ ქრისტიანულ ხე-რომოდღვრულ ძეგლებზე, ზოგადქრისტიანული რელიგიის იდეების ადგილობრივ მხატვრულ გამოვლენას უნდა წარმოადგენდეს, რომელიც საქართველოში XI საუკუნის ნათელით შემოინახა.

შენიშვნები:

1. Шейнина Е.Я. Энциклопедия Символов. Заяц, М., 2002. გვ. 86.
2. Diether Lauenstein, Die Misterien von Eleusis, Urachhaus, Stuttgart, 1988.
3. Шейнина Е.Я. დასახ. ნაშრ., გვ. 86.
4. Angelo de Gubernatis, Zoological Mythology, vol.2. N.Y., 1978, 76-82.
5. Ibid., 76-85
6. Эдвин К. Крапп. Астрономия Легенды и предания о солнце, луне, звездах и планетах. М, 1999, 154-157
7. Шейнина Е.Я. დასახ. ნაშრ., გვ. 86.
8. ტრიქსტერზე იხ., P.Radin, The Trickster. A Study in American Indian Mythology, L., 1956 ; C.Lévi- Strauss, Les mythologique, v.,1-4, P.,1964-71.
9. Ibid.
10. Юрченко А. Я. Александрийский физиолог, Санкт-Петербург, 2001.
11. М. Eliade., Traité D ' Histoire des Religions, P.,1948.
12. Аладашвили Н. Монументальная Скульптура Грузии, М., 1977. W.Djobadze, Early Medieval Georgian Monasteries in Historic Tao, Klarjeti and Shavsheti, Franz Steiner Verlag Stuttgart,1992. ი. გივიაშვილი, კურდღლის სიმბოლური მნიშვნელობა ზეგანის რელიეფზე. თსუ ხელოვნების ისტორიისა და თეორიის კათედრის სამეცნიერო შრომათა კრებული. №4, 2002.
13. ი. გივიაშვილი. დასახ. ნაშრ.
14. W. Djobadze, დასახ. ნაშრ.
15. Emma Brunner-Traut, Hellmut Brunner, Johanna Zick-Nissen, Osiris, Kreuz und Halbmond. Die Drei Religionen Ägyptens, Verlag Philipp Von Zabern, Mainz am Rhein,p.,188.,1984.
16. Ibid.
17. Словарь Библейского Богословия, Брюссель, 1974.
18. ლოტოსს ძალუძს მატერიალური ეგზისტენციის მქონე ტალახის (ე.ი. მკვდარი მატერიის) სამოთხედ ტრანსფორმირება, როგორც თ. ჩეთვაინდი აღნიშნავს (იხ. A Dictionary of symbols, Paladin Grafton Books, L, 1982). მისი, ამ არანეულებრივი თეორი ფორმის ტალახში (ან ტალახისაგან)

თავდაპირველი ამოზრდა კვლავ აღმოცენების იდეას უკავშირდება, იქნება ეს ხელახალი დაბადება, აღდგომა თუ გაბრწყინება/გასხივოსნება.

19. იხ., Lewis Carroll, Alice's Adventures in Wonderland and through the Looking Glass, N.Y.,1960.

20. სულხან-საბა ორბელიანი, ლექსიკონი ქართული, ტ.I, თბ., 1991.

21. Словарь Библейского Богословия, Брюссель,1974.

22. Вольфганг Бауер, Ирмтрауд Дюмоц, Сергиус Головин, Энциклопедия символов, Крон Пресс, 1995.

23. Н. Марр. физиолог, Армяно-грузинский извод, Тексты и разыскания по армяно-грузинской филологии, кн. VI, СПб, 1904.

24. Н. Brugsh. Thesaurus Inscriptorium, Ägypticarum, Leipzig, 1883-91, გვ.807
Au. Mariette, Déndera, Paris, 1871, IV, გვ.81

Nino Abakelia
Iv. Javakhishvili Institute of History and Ethnology
Georgian Academy of Sciences

ON THE CHRISTIAN INTERPRETATION OF ONE FORGOTTEN SYMBOL
(Hare as an Hierophany)

The article discusses a half forgotten symbol of hare in which different kinds of themes and motifs are amalgamated. It is assumed, that in prechristian times the mentioned symbol kept its lunar character and as such had a variety of meanings in which its fecundity was one of the most important. In this symbol various levels of cosmic life fit together (hare – moon – woman, etc.,) i.e. it manifests the "living reality" of life, that renews itself periodically. Hence it indicates to the time that ever returns.

In Early Christian beliefs it changes its meaning radically. Now it points to the new times and new values. Its main characteristics becomes vigilance and watchfulness. On the one side it is the metaphor of righteous man, which partakes of the eternal Spring of Life (comp. the complex "the hare eats the grape" with the complex "the deer partakes of the waters of the well", which to my mind express the same idea of Communion) and on the other side it is the symbol of Ressurrection. This complicated zoomorphic symbol found abundantly in Early Christian churches of northern Syria and historic Tao- Klarjety is treated and considered in this light.